



Broj: 07-1108/126  
Datum: 25.3.2026.

Na osnovu člana 37. Statuta Grada Srebrenik („Službeni glasnik Grada Srebrenik“, broj: 1/24) i člana 23. Odluke o izvršavanju budžeta Grada Srebrenik za 2026. godinu („Službeni glasnik Grada Srebrenika“, broj: 1/26), Programa utroška sredstava s kriterijima raspodjele sredstava transfera i subvencija utvrđenih budžetom Grada Srebrenik za 2026. godinu Službi za poduzetništvo, lokalni razvoj i investicije („Službeni glasnik Grada Srebrenik“, broj 6/26) Gradonačelnik Grada Srebrenik objavljuje:

## JAVNI POZIV

**za dodjelu sredstava udruženjima obrtnika, privrednika i poljoprivrednika (pčelari, šljivari) u 2026. godini**

### I Predmet Javnog poziva

Predmet Javnog poziva je dodjela sredstava udruženjima obrtnika, privrednika i poljoprivrednika (pčelari, šljivari) u 2026. godini, planiranih u budžetu Grada Srebrenik za 2026. godinu na poziciji 614329: Grant sredstva za aktivnosti udruženja obrtnika, privrednika i poljoprivrednika (pčelari, šljivari), a u svrhu stvaranja povoljnijeg poslovnog okruženja ovih udruženja.

### II Namjena sredstava

Sredstva odobrena na osnovu Javnog poziva mogu se namjenski trošiti na sljedeće aktivnosti; tekući troškovi rada udruženja, troškovi režija, troškovi kancelarijskog materijala i troškovi realizacije programa/projekata/aktivnosti udruženja. Troškovi za plaće i doprinose uposlenika udruženja ne mogu se finansirati po ovom Javnom pozivu.

### III Kriteriji za dodjelu sredstava

#### Opći kriteriji za dodjelu sredstava:

- da je organizacija-primalac registrovana u skladu sa zakonom,
- da ima sjedište na području Grada Srebrenik,
- da ima usvojen godišnji program rada i finansijski plan za tekuću godinu,
- da je dostavila narativni i finansijski izvještaj o namjenskom utrošku dodijeljenih sredstava iz Budžeta Grada Srebrenik u prethodnoj godini (ukoliko je bila korisnik istih).

#### Posebni kriteriji za dodjelu sredstava:

- opis programa/projekta udruženja sa finansijskom konstrukcijom (budžetom),
- značaj programa/projekta za grad Srebrenik,
- prethodno ostvareni rezultati.





#### IV Dokumentacija uz Javni poziv

Podnosioci prijava na Javni poziv dužni su dostaviti sljedeću dokumentaciju:

1. Uredno popunjen Prijavni obrazac,
2. Ovjerena kopija rješenja o registraciji udruženja,
3. Ovjerena kopija uvjerenja koje se odnosi na porezni identifikacioni broj (ID broj) udruženja,
4. Usvojen i ovjeren godišnji program rada i finansijski plan za 2026. godinu,
5. Narativni i finansijski izvještaj o namjenskom utrošku sredstava u 2025. godini (odnosi se na podnosioca prijave koji je u prethodnoj godini bio korisnik sredstava budžeta Grada Srebrenik. Ukoliko je Izvještaj već dostavljen nadležnoj Službi do dana prijave na ovaj Javni poziv, naznačiti to u Prijavnom obrascu iz tačke 1.). Ukoliko podnosilac prijave na Javni poziv nije bio korisnik sredstava budžeta Grada Srebrenik u 2025. godini, naznačava to u Prijavnom obrascu iz tačke 1.
6. Dokaz o broju tekućeg računa udruženja izdat od poslovne banke.

Dokazi o ispunjenju posebnih uslova će se vrednovati na osnovu zadatih stavki u Prijavnom obrascu iz tačke 1. dokumentacije, a pravdat će se dokumentacijom pri podnošenju Izvještaja o namjenskom utrošku sredstava, u skladu sa ugovorom o dodjeli sredstava.

#### V Ostale odredbe

##### Dostavljanje prijava

Prijave na Javni poziv sa kompletnom dokumentacijom, dostavljaju se u zatvorenoj koverti, sa obaveznom naznakom: Javni poziv za dodjelu sredstava udruženjima obrtnika, privrednika i poljoprivrednika (pčelari, šljivari) u 2026. godini – *NE OTVARAJ*. Prijave dostaviti lično na pisarnicu Grada Srebrenik ili preporučeno poštom na adresu:

*Grad Srebrenik*  
*Služba za poduzetništvo, lokalni razvoj i investicije*  
*Ulica Ibrahima Salihovića bb, 75350 Srebrenik*

##### Rok za dostavljanje prijava

Javni poziv ostaje otvoren 15 (petnaest) dana od dana objavljivanja na oglasnoj ploči Grada Srebrenik i službenoj internet stranici Grada [www.srebrenik.ba](http://www.srebrenik.ba).

Nepotpune i neblagovremene prijave neće se razmatrati.

Sve informacije u vezi s Javnim pozivom mogu se dobiti na kontakt telefon Službe 035 366 437.

O rezultatima prijava podnosioci će biti upoznati putem službene web stranice Grada Srebrenik.

GRADONAČELNIK  
Adnan Bječić

